

四庫全書

集部

欽定四庫全書

集部

宋詩鈔卷三十四至  
六

詳校官中書臣賈鏊

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷三十四

內閣中書舍人吳之振編

晁補之雞肋集鈔

補之字无谷濟州巨野人年十七從父官杭州著七  
述言錢塘山川風物之麗時東波為通判正欲作賦  
見之稱歎曰吾可閣筆矣由是知名舉進士試開封  
及禮部別院皆第一神宗閱其文曰是深於經術可

革浮薄累仕著作郎充秘閣較理國史編修尋坐脩  
神宗實錄失實降官徽宗召還未幾復以黨論坐貶  
還家葦歸來園自號歸來子大觀末出黨籍起知泗  
州卒有集七十卷自謂食之則無得棄之則可惜故  
名雞肋集

視田五首贈八弟無斁

流河之所濡一斛泥數斗我莊當水窮乃比石田瘦尚  
無東陵瓜況有南山豆天而不可期且復鞭牛後

蘇秦不願印迺在二頃田東臯五十畝力薄荆杞填擇  
高種苜宿不涇牛口涎拙計安足為朝往而莫旋  
薄遊廢家務待子營糗糧莊奴不入租報我田久荒凌  
矜馬到門碑兀牛卧場立馬蒼耳根此策殊未長

家世不為農長安有大第官糧弗充口萬里聊自庇一  
從學聾牙世事百色廢賣牛姑補屋歲晚霜雪至  
居貧廢文字鋤鋤學苦耕怪子獨伶俜久與地方爭苦  
耕又不時狐虺日縱橫高原一釋耒歎息心怛怛

即事一首次韻祝朝奉十一丈

平生交遊情獨處不可乍那為一馬飲濁水噴百馬弦  
歌高樓上但恨知者寡丈人遺世心口語儻能借不然  
抱幽璞終歲裏幙帟坐令青蠅繁暫出刑兩蹀儒冠成  
自誤歸去無屋瓦賴逢里中賢築室各瀟灑及時秣  
賤樽酒得同把安能效乾沒肩與市人亞居然邑里號  
曾墨為還駕況在竈與間欲恥王孫賈東方錢二百得  
米稚啼嗷嘲笑坐窮辰無肉飽伏假尚聞啄聲聲聊復

展展迓于常妙工詩蘇李掩曹謝有時醉醅醕大小翻  
盤竿倒床鼻息惡喚起對殘炮復古志尚奇衆競方獨  
暇捫蝨與人言豈不逢譴訝崇朝潔服坐往往食旁舍  
子固業少成議論婉風雅嘗聞莊生說乃慕巨魚化平  
居似晏子志念能自下而我獨迂踈通人所譏罵正賴  
觴詠中得意自陶寫畱連接清晤欲起不能罷是時春  
雨餘桑密鳩鳴野城隅園圃近款段亦時跨便恐百卉  
闌晚晚侵朱夏人生形骸累未免俗情詐此理豈外求

猶煩詹尹卦清風穆然在如渴啗甘蔗沉我自散材谷  
口窮耕者去年秋不在飽瓠緣庭架低回迫榮利妻子  
憐王霸橫經亦強顏已取或人舍但慮宰我愚松栢談  
三社倏然一室內黃卷開佳話尺璧競寸陰寧復當論  
價吟哦愁肝腎蟋蟀弔長夜鄙俚頗近情持用自悲詫  
功名與道義熊掌借魚炙二事良難兼夫子賢點也

謁岱祠即事

澤南三百里極望橫天雲雲端色凝黛諦視初可分崢



嶒介丘像瀕洞元氣屯頃刻有變化慘淡殊明昏天行帝  
出震其位生物元不周僨西北川乃東南奔寧知六鼇  
死竟使二山淪不有是難傾孰維大塊根嘗聞周官說  
實惟天帝孫神靈所鎮守民物斯茫存幽明昭一理有  
道惟常尊不覺下馬拜僮奴亦蹲循迺知正直理足使  
冥頑敦三王有損益商人所尊神明法或不懼夜行安  
得遂以此輔世教庶幾驅騫民莫宿太平驛不眠慮絲  
棼明朝好天色萬象開胚渾勢橫恒碣盡支壓齊魯蹲

五色冒日觀一握通帝閭恢拓下摧確青蒼上氤氲泉  
石競沮洳煙嵐互紛綸高舉躡風海深蹻蹈火輪濤波  
卷堆阜一一溟渤吞碁枰視井邑七箸藏松椿碧瓦峙  
雙闕紅牆繚長閨願瞻巖闕客內滌邪垢魂賜臣登絕  
頂一覽神秀原萬壑射窈窕三壇矗嶙峋莽不都項領  
何能窮脰跟稍稍指鳬繹依依數亭云松列大夫爵羸  
識將軍墳瑣屑澗花麗霏微崖藥黨廣大良有以奇險  
安足論瑰詭有形上頽然德彌惇得無希夷子做世逃

溪蓁亦有黃冠士相對如麋麇此曹噉草木語道良未  
聞解榻坐中觀洗心馳大釣形氣要得二不然隨物泯是  
事亦姑置幽尋聊可勤初疑無字碑瑩潔誰敢文又怪  
玉女井高絕何由齋俯穿鬬仙巖鳥下天壁垠側度五  
賢堂熊經背逡巡劔石危數履女蘿柔屢捫揮斥八極  
遠風來袂軒軒廖廓自無梯猶疑天可竇陰谷不敢視恐  
落鸛羣安得遂獨往身如黃鵠翻周流遍五嶽採掇  
芝英繁即欲憇圓嶠或當止崑崙衆真迎我語一笑顏

玉溫是中差可樂子胡戀塵樊答此太遺物身閒猶事  
君重華迹已遠秦漢事方煩成功屬吾宋五禮垂後昆  
皇帝二載春臣備太史員紬繹自帝典頗識康哉言泥  
金白玉字願頌無前勲有志類韓愈無書愧文園臣髮  
將雪素臣心猶日瞰今此在林藪跳身同獍猿徒觀衆  
山小愁絕下天門

遊信州南巖

南巖夫何為山作天倚蓋山南豁山腹飛頂覆其外初

如鵬將翔膺擊羣麓背乍似海大魚呀口噉而囁當空  
橫廣額架屋喉舌內仰窺駭憑凌俯進愁壓墜嘗聆釋  
氏說仰覆各世界千間未可著五畝良不隘清泠氣射  
人熱惱從此潰崖奔木疎瘦谷遠鳥幽怪問僧何年居  
投老四五輩問客何人來官滿或一再而予與二子高  
興偶相戒松舟下清江毛髮數鰕蟹藍輿上峻嶺幢節  
望杉檜李侯勛門胄文彩山作繪趙君儒林孫嫖美蘭結  
珮不為城郭遊繼月此于邁寧知老逾拙意在精賞退

得居溪南山食飲與山對夔魑入與突雲雨出巾櫨古  
人戒賤目慣覩誰復貴顧此誠未逢欣然與心會彭湖  
兩崖蹙泉作一線霈禪月古臺空靈山自明晦搜奇獲  
三勝趣嬾同一慨但憂久聾牙尚喜無蒂芥平生所驅  
使詩酒俱好在天涯得吾侶物外從所快便欲登赤城  
一觀天字大

再次韻文潛病起

淮浦見之字春風初策名頗訝謫仙人有籍白玉京晚

遇廣文直老交心愈傾同升芸香府偶坐華髮生斯人  
自龍性意變難章程者酒不疵吝身如秋葉輕自言士  
處世何必冰雪清交遊滿臺省毀譽半王城不肖效俯  
仰畏高侮鰥惇常思老伊潁紫蟹羞吳杭我輒抵掌和  
音同磬隨笙小人奉慈親皆嘗小人羹寒衣婦補綻學  
績女娉婷日欲江海去心期楊柳青衆木構大厦豫章  
倚孤撐如子足醫國可容移疾行丹書紫皇誥玉篆五  
嶽形何必陶隱居吞霞養純精訪道自素約諧心期莫

齡但恐牽俗緣志大功不成息交屏妻子此語不須驚  
送學生李公裕兄弟赴省集

閉門圍火談開戶雪一尺黃昏具盃酒知君遠行役君  
家三兄弟頗謂各無敵容父學知方大道通四驛吉父  
尤頡頏天池觀水擊仁父少而奇乃是夜光璧李侯有  
此子便可卧安席家居樂與餌聊以止過客豈無一束  
芻空谷不可食宵人操寵利徒手捕蜥蜴公等寧復然  
烏黑鵠自白屠龍業有用未厭所從僻富貴念昔時城



東雪中跡

題四弟以道橫軸畫

黃葉滿青山枯蒲靜寒水鳬鴈下坡塍牛羊散墟里擔  
穫莫來歸兒迎婦窺籬虎頭無骨相田野有餘思

同畢公叔飲城東

西城昔相值桃初兩三紅翩翩驚長陌春風搖馬鬃後  
君歸幾日游絮已濛濛解鞍不待憩相命古原東芍藥  
雖俗花狂姿幸時供平生於知己千過不一逢感君欲

開口清洩出沾胃君如陶淵明不為五斗恭胡為青綸  
上朱墨粉外蒙棄官能從我短後追田翁銅斗釀秫麥  
竹枝弋鳬鴻何必悲無衣緼賡聊御冬九辯太高潔五  
噫苦羈窮置此無滑和天情反其中市藥非市名名聞  
藥何庸十漿饋五漿猶畏聞者從如何鄴城畔夜夜生  
長虹

次韻四弟以道十二弟叔與法王唱和兼示無斁  
弟二首

少時勇遊山說山喜動色中年謫南方廬阜得深歷當  
時不類謫忘腰帶之適怪人肝鬲異破賊喜折屐只今  
竄林下織衣而耕食緬懷茲兩士吾宗氣相得吾春種桃  
時子曉尋嵩日似聞黃面子為採烏頭出去年陟岱宗  
一士世重識天門邀之下傾倒意已極斯人與人異龍虎  
兩超忽重尋亦無路顛雨石崖坼

吾人伯仲間一語可物色氣自寡所諧窮乃足所歷家  
風藐五世不肯適人適意行無險易又跣不著屐文詞

如苦李慘腹人莫食猶矜不傳妙坐恐兒曹得學憐新  
又新老奈日復日伯以最恬愉何以採之出无斲能寡  
言猶堪謝前識叔與氣尚豪摅頤視屋極斯文惡表褻  
枯魚戒所忽應如魯宮籀藏壁俟其圻

北京學直舍對客

鳥聲落簷間竹色在戶外解屣置几前放杖當椅背默  
然仰棟時往與古初會有時遺坐客十問不一對尚因  
呼乃覺笑自謝頑昧知非慕蘧子事去等蜩蛻一生所

未免飲食與眠睡所以更頽然可樂本非內有心欲何  
用橋起則形累賴客同門生曠蕩乃不愧

送君

送君上馬時不道朝壚煥春風入木心皮肌發紅綠春  
風良易莫那得勤行路且莫望南牕胡蝶飛無數

上馬

上馬笑屬君歸期在十日來時草白芽歸時青鬱鬱來  
嗔馬蹄急歸嗔馬蹄緩人心自如此馬蹄終不變

贈文潛甥楊克一學文與可畫竹求詩

與可畫竹時胸中有成竹經營似春雨滋長地中綠興  
來雷出土萬籜起崖谷君今似與可神會久已熟吾觀  
古管葛王霸在心曲遭時見毫髮便可驚世俗文章亦  
技爾詎可枝葉續穿楊有先中未發猿擁木詞林君張  
舅此理妙觀燭君從問輪扁何用知聖讀

補樂府三首

豈葉黃

蒹葭蒼蒼葉黃南村不見岡北村十頃彊東家車滿箱  
西家未上場莖葉黃野離離鼠窟之免入畦豕母從豚  
兒豕啼豚咿咿街角復銜箕莖葉黃穀又熟翁媪衰鋪  
糜粥莖葉黃葉黃不獨莖白黍堪作酒瓠大棗紅皺莖  
葉黃穰穰何膻膻腰鑣獨健婦大男往何許官家教弓  
刀要汝殺賊去

漁家傲

漁家人言傲城市未曾到生理自江湖那知城市道晴

日七八船熙然在晴川但見笑相屬不省歌何曲忽然  
四散歸遠處滄洲微或云後車載藏去無復在至老不  
曲躬羊裘行澤中

御街行

雙闕齊紫青馳道直如線煌煌塵內客相逢不相見上  
有高槐枝下有清漣漪朱欄夾兩邊貴者中道馳借問  
煌煌子中道誰行此且復就下論驄馬知雜事官卑有  
常度那得行同路相效良獨難且復東西去



和闕彥遠秋風吹我衣

海中羣魚化黃雀林鳥移巢避歲惡鄴王城上秋風驚  
昔時城中鄴王第只今蔓草無人行但見黃河咆哮奔  
碣石秋風吹灘赴沙礫翩翩動衣裳游子悲故鄉忽憶  
若耶溪頭采薪鄭巨君南風溪頭曉北風溪頭昏一行  
作吏此事便廢夢中葉落覺有歸意歸歟歸歟吾黨成  
斐然君今生二毛我亦非少年胡為車如雞栖鄴城裏  
朝風吹馬鬣莫風吹馬尾與人三歲居如何連屋似千

里我則不狂曾謂吾狂不吾知亦何傷安能戶三尺喙  
家一吭人亦有言人各有志吞若雲夢者八九長劒耿  
介倚天外有如陳仲舉庭宇亦不治吾乃今知貴不若  
賤無憂富不若貧無求負日之燠吾重裘芹子之飫吾  
食牛心戰故臞得道故肥吾封侯匹夫懷璧將誰尤歸  
歟歸歟豈無揚雄宅一區舍前青山木扶疎舍後流水  
有菰蒲今我不樂日月除尺則不足寸有餘七十二鑽  
莫能免豫且無所可用乃有百歲樗櫟生竟天天年非

吾徒

開梅山

開梅山梅山開自熙寧之五年其初連峯上參天巒崖  
盤歟閼羣蠻南北之帝鑿混元此山不圯藏雲煙躋攀  
鳥道出蒼蔚下視蛇脊相黃緣相黃緣窮南山南山石  
室大如屋黃閼之記盤瓠行跡今依然高辛氏時北有  
犬戎寇國中下令購頭首妻以少女金盈斗遍國無人  
有畜狗厥初得之病耳婦以盤覆瓠化而走堪嗟吳將

軍屈死折折口帝皇下令萬國同事成違信道不容竟  
以女妻之狗乃負走逃山中山崖幽絕不復人跡通帝  
雖悲思深往求輒遇雨與風更為獨力之衣短後裾六  
男六女相婚姻木皮草實五色文武溪赤髀皆子孫侏  
離其聲異言語情黥貌癡喜安土自以吾父有功母帝  
女凌夷夏商間稍稍病侵侮周宣昔中興方叔幾振旅  
春秋絕筆逮戰國一負一勝安可數邇來梅山恃險阻  
黃茅竹箭靈霧雨南人顛踣斃溪弩據關守隘類穴鼠

一夫當其阨萬衆莫能武欲知梅山開誰施神禹斧大  
使身服儒賓客盈幕府檄傳徭初疑叩馬卒歡舞坦然  
無障塞土石填溪渚伊川被髮祭一變卒為虜今雖關  
梁通失制後誰禦開梅山開山易防獠難不如昔人閉  
玉關

富春行贈范振

錢塘江北百里餘漲沙不復生菰蒲沙田老桑出葉麤  
江潮打根根半枯八月九月秋風惡風高駕潮晚不落

鼓聲夔夔櫓咿喔爭湊富春城下泊君家茅屋竝城樓  
不出山行不記秋越舶吳帆亦何故今年明年來復去

胡戢秀才效歐陽公集古作琬琰堂

君不見廬陵公往為舉士修書日詔畀千金訪遺逸遺  
文逸字往往出故都易姓幾兵火量臀鼎腹細詰詘道  
人岫嶺空有聞丘陵仙鬼事恍惚共和十鼓記亡一嶧  
山肉在無復骨雲陽八體又瓜剖至使漢童訛尉律世  
儒詭正何足臧公家安取千軸藏仲尼猶及史之闕有

馬借人吾敢忘題籤甲乙潁水陽後來胡君癖膏肓傾  
家自構琬琰堂撝羅近出補厥亡荒林圯冢見未嘗南  
觀禹穴計渺茫閉門睥睨在一牀常恨平生好古家無  
力騎馬蹊田觀斷刻中郎二字煩走驛率更三日勞野  
食長年囊褚況易擲兒作募朱婦遮壁願從胡君丐無  
有十百數中聊取仿胡君今逸民盱眙不見十五春坐  
令鉉槩老壯士朝廷豈無憂國人曩時豪氣今雖在會  
面只謀千日醉聽君汗漫馳古先世事無何付蟬蛻

黃河

黃河齧小吳天漢失龜鼈靈原潭下藕爛死只有菖蒲  
不生節白馬橋邊迎送胡冀州斷道無來車新隄築得  
高嵒岨舊隄杵聲未可絕

酬李唐臣贈山水短軸

李為刑曹杜君章知貢

大山宮小山霍欲識山高觀石脚大波為瀾小波為淪  
欲知水深觀水津營丘於此意獨親杜侯所與復有人  
不見李侯今五載苦向營丘有餘態齊紈如雪吳刀裁



小豪束筍縑囊開經營初似雲煙合揮灑忽如風雨來  
蒼梧決漭天無日深巖老樹洪濤入榛林閭漠猿狖寒  
苔蘚侵淫螺蚌涇紛紛禽散江干沙有風北來吹蒹葭  
前洲後渚相隨沒行子漁人歸徑失李侯此筆良已奇  
我聞李侯家朔垂跨河而北寧有之曷不南遊觀禹穴  
梅梁鑱涇萍滿皮神物變化當若斯元君畫史雖天與  
我論絕藝無今古張顛草書要劍舞得意可無山水助  
他日李侯人益慕

跋遮曲

君不見魯中羣兒歌跋遮跋遮跋遮何語耶吳歛越吟  
初不省恐自塞北傳胡笳跋遮胡為樂中華試歌河漲  
水漸尖車河中耕泥春種麻麻生三歲不開花腰菱兩  
角黑如鷗漁父笑且語誰能跋遮舞君不見前年大旱  
河草黃草中魚子化飛蝗又不見往年大雨雨決渠渠中  
朽瓜生老魚蝗飛食場穀擊鼓煩趲撲我家家具如筍  
束今年梁山撓濁淤兒無鋤麻姑來漁荷鋤往賣鋤買

網空市無丁丁斲船斲屋櫨艇子如星喚施眾夜唱跋  
遮曲羣鳴起白鳧

贈戴嗣良歌時罷洪府監兵過廣陵為東坡公出  
所獲西夏刀劒東坡公命作

三郎少日如乳虎代父搏賊驚山東硬弓長箭取官職  
自說九戰皆先鋒將軍拳勇饋不繼痛惜靈武奇謀空  
城頭擲榆下俛走壯士志屈羞填冑平生山西踏霜雪  
洪府下溼號兒童聞名未識二十載初見長揖東坡公

銳頭短後凜八尺氣似飲井垂檐虹只今不語當陣立  
望見已是千夫雄往年身奪五刀劍名玉所擐犀札同  
晨朝攜來一府看竊指私語驚庭中紅粧擁坐花照酒  
青萍拔鞘堂生風螺旋鎚鏑波起脊白蛟雙挾三蒼龍  
試人一縷立褫魄戲客三招森動容東坡喜為出好礪  
洮鴨綠石如堅銅收藏入匣人意定蛾眉稍進琉璃鍾  
太平君子尚小砭戒懼邾小母并蜂舞千兩階庶可覩  
跳空七劍今何庸我為蘇公起揚譚雅歌聊帶聊堪同

從公請鴈歸作硯聞公嘗誅求邊功

茗雪行和於潛令毛國華

茗溪清雪溪綠溪水灣環繞天目山間古邑三百家日出隔溪聞打衙長官長髯帽烏紗不曾執板謁大尹醉卧紫蘭花影斜紫蘭花開為誰好年年歲歲溪南道不見西陵白髮人荆江夜雪唱陽春陽春絕唱和者寡客醉聞之雙淚灑夜來魂夢海中山縹緲雲濤煙浪間雲濤煙浪不可渡睡覺秋風落桐樹秦吉了秦吉了言語無

人會無人會得奈君何且向紫蘭花下醉

芳儀怨

金陵宮殿春霏微江南花發鷓鴣飛風流國主家千口  
十五吹簫粉黛稀滿堂侍酒皆詞客拭汗爭看平叔白  
後庭一曲時事新揮淚臨江悲去國令公獻籍朝未央  
勅書築第優降王魏俘曾不輸織室供奉一官奔武彊  
秦淮潮水鍾山樹塞北江南易懷土雙燕清秋夢栢梁  
吹落天涯猶並羽相隨未是斷腸悲黃河應有却還時

寧知翻手明朝事咫尺人生不可期蒼黃三鼓溲洝岸  
良人白馬今誰見國亡家破一身存薄命如雲信流轉  
芳儀如我名字新教歌遣舞不由人採珠拾翠衣裳好  
深紅退盡驚胡塵陰山射虎邊風急嘈雜琵琶酒闌泣  
無言徧數天河星只有南箕近天邑當時千指渡江來  
同苦不知身獨哀中原骨肉又零落寄詩黃鵠何當回  
生男自有四方志女子那知出門事君不見李君椎髻  
泣窮年丈夫飄泊猶堪憐

五丈渠

五丈渠河水鑿堤三里餘懸流下噴水渤涌訛言相驚  
有怪物灤東漁子浮兩舡清晨徑流雙鬣搖驚人跳起  
橫觸島大鰐十尺長天矯殺之信宿不敢言並村稍稍  
聞者喧伐鱗剗肉擔揭去兩日一村猫犬飢夜來水泛  
州西原青青百頃白波翻里巫推變咎漁子豫且賊神  
實為此此邦一年不穀食賣魚取錢當常職聞道相家  
口津人無敢憑大魚死小魚靈



閻子常攜琴入村

閻夫子通古今家徒四壁猶一琴今年二月雨霖霖喜  
君壠麥如人深屋間幽默咸池音高山流水我非聽聽  
我說君辛苦吟薛老村西十里地旱日燎原無柳林芒  
屨曳杖逐鎌龍當午未食饑燒心芸芸麥田翻黃波蝻  
蟲盤穗如蝸螺麥未收打催種豈屋下跡少曰間多閻夫  
子時過我我與夫子良同科四體雖勤口舖衆煮豆然  
其窮奈何人謂君琴語辛苦此曲無奈傷天和君不見

夫子宋園不糝猶絃歌

收麥呈王松齡秀才

晁莊寂莫依東山王莊負郭容往還東山刺薊深一尺  
負郭家近饒盤餐穿鞵戴笠隨麥隴旱日炎炎煙燎顏  
賤貧辛苦事當爾君屋鱗鱗三百間

飲城西贈金鄉宰韓宗恕

大夫盤中定州盞三舉檐花舞凌亂請君行盞且莫稽  
為君起賦飲城西城西古道如澗深東風吹沙不見林

虛堂更覺野原濶榆柳浩浩波濤吟雜花一園來遠道  
兩株江南梅更好櫻桃已晚猶爛漫百株如雪即可繞  
常時東風無此寒常時諸君無此閒且看瓶口似魚貫  
莫惜面文如顯班大夫工為宋玉賦思不能涯字無數  
秀才酷類東野貧白屋青山愁曲身籍咸不肯羞北阮  
主簿高材即仇覽成詩午景已妍和罷酒花開應更多  
山翁歸不醉當奈岘山何

和王仲甫病暑

吳邦憚暑如蜂蠆河曲還遭長日晒蔗漿金盃賴蠲煩  
內託潛陰數為敗黃昏乍快風吹髮驅拊蚊虻坐明發  
青衫主簿氣如雲茂陵無事悲消渴望洋河伯何為者  
兩涘無因辨牛馬何生狂夢涸歸墟喉舌湯湯未勞瀉  
能來一嗽華池津七椀清風立有神更尋齒下微妙訣  
遣君體適仍魂平案頭白紙如堆雪人事紛紛日將月  
與君未遇尤四時利害相磨生內熱

贈送張愈秀才

秋水幽幽濟河道君挂蒲帆若飛鳥西風黃葉滯公車  
雞黍從君懷故廬男兒自有四方志世上相期獨榮利  
昔時馬周徒步動天子君今有用當如此

李成季得閻子常古琴作

昔人流水高山手此意寧從絃上有閻侯卷舌卧閻巷  
意向是中畱不朽似聞綠綺置牀頭暑雨東城無麥秋  
趙傳和氏齊五日吳得湛盧當兩州李侯得意誇題柱  
成詩欲使邀諸路自有桓山石室彈深屋時聞繭抽緒

無琴尚可何獨絃要識精微非度數人生有累無非失  
我欲心灰木為質嬾從徽的自凝塵老向詩書逾愛月  
自言結習久難除猶理斷編尋止息焦城卜築近連軫  
歸約閭侯亦蕭瑟舊聞君祖課木奴試買瓊丘百株栗

同魯直文潛飲刑部杜君章家次封丘杜觀仲韻  
廷尉風流才絕塵最憐高髻唱陽春兩鬟亦解倚瑟語  
催送花前紅袖舞黃張翰墨海內名席上生風清夏宇  
封丘自倚筆勢豪不怕當筵賦鸚鵡對酒含情古所憐

樂事幾時如過雨  
阮公鑪邊不擬歸  
陸郎班駟無用嘶  
長燈照出簾幙外  
缺月墮落藩牆西  
斗酒雙魚何足貴  
李侯氣許山東吏  
正須新麪雜青槐  
千里紫萼江上來  
長船刻玉流霞動  
快引不須帆櫓送  
自作新詩碧牡丹  
箸擊杯翻釵墜鳳  
芍藥佳名聞昔人  
滿插不辭歸帽重  
倒牀任作鼻鳴雷  
屋上啼鳥還喚夢

贈麻田山人吳子野

余見待制李公誠之於汶上蘇密州在焉始聞子野之名

汶陽我昔見蘇李  
人言吳子歸未幾  
長嘯春風大澤西

却望麻田山萬里不逢鄭老溪上箭欲致朱公路傍米  
今年窮巷絲生髮馬尾吹風化衣袷定知赤鯉暮波濤  
何意黃冠驚僕妾琅函萬過陰魄悲心無丹白鑪生兒  
山中種芝豈無侶成都醉眠未當去願從王烈或見呼  
試訪孫登竟無語棄家內愧非此流此身天地一虛舟  
未應齒豁塵埃裏乞與青精救白頭

送北京學生曹慈明秀才之京師

魏武子孫今寂寞唐來只有畫將軍鄴城初見黃須面



尚喜登堂詞若雲乃公白首圖籍裏小心恐懼教其子  
文章錦心仍繡腑屠龍殫家安用許半年繫船康海門  
官忙不共持一樽岡頭梨花吹欲盡淮口汴流來正渾  
鄙夫日欲向吳越官滿一封飛魏闕著書虎觀未敢言  
蔽身蟬葉真癡絕

次韻和趙令僉防禦春日感懷

春塍雪消龜兆坼凍柳冰蒲俱好色走馬城東眼乍驚  
可憐前日非今日結交從古天地間百年誰見一人間

王城塵土化衣袷五鼓驅車休夜闌況我崎嶇二三子  
聖恩釋累從甌蠻雄豪久鍛酒量窄更懦新長詩辭慳  
王孫物外有高興數攜王趙兩紅顏上書自去千年衛  
挂席欲過三神山灰餘方烈竈下響霧廓初見岩中斑  
醉吟誰共可憐春江南太守舊詩人賡酬不減笙磬答  
秀發更為煙霞新萬卷藏書韋杜曲憶子陳詩一言足  
得意鱸魚故未饜多情桃葉應相逐努力閒平盛世名  
歸及春風雙鬢綠

漫成呈文潛

無心看春只欲坐  
偶騎馬傍春街行  
可憐愁以草得暖  
一寸心從何處生

十年閉戶不作舞  
爲客一整紅羅裙  
莫倚琵琶解寫怨  
朱簾垂下阿誰聞

平時無歡苦易醉  
自怪飲樂顏先酡  
乃知醉人不是酒  
真是情多非酒多

吳松道中二首

停舟傍河澣四顧盡荒原日落孤鳴冢天寒犬吠村繫  
帆凌震澤捨雨入盤門悵望夫差事吳山闕楚魂  
曉路雨蕭蕭江鄉葉正飄天寒鴈聲急歲晚客程遙烏  
避征帆却魚驚蕩漿跳孤舟宿何許霜月繫楓橋

濟州道中寄葉勛秀才

曉路入西郊新霜着髻毛貧交借羸馬慈母授征袍野  
靜狐狸出天寒鴈鵠高艱難憶親舊清淚漬平皋

原上

閉門遺日月原上感年華久旱無場藿重陽有野花蕭蕭幾家靜脈脈一歧賒向晚悠然去秋風馬尾斜

同魯直和普安院壁上蘇公詩

畏暑聊尋寺追涼故遶池雨園鳩喚婦風徑燕將兒散篆縈簾額畱雲暗井省龍蛇動屋壁知有長公詩

次韻鄧正字慎思秋日同文館

平生鄧夫子文墨晚相依臺閣佳聲在湖湘爽氣歸

慎思

潭人再入館

詩誇束筍密髮歎耨苗稀勤苦千秋事川明水

孕璣雄深張子句山水發天光黃鵠愁巖道玄龜困呂  
梁愛君豪穎脫嗟我病傖囊驥尾何當附西風萬里長

屬文潛

蔡侯南國秀經緯耿昭回文史蛙生甌風雲蟄起隈  
君求助意之子為時來萬縷防秋費何如一士才

屬天啟

氣入中秋勁更傳午夜長青燈蛾舞急白月鴈啼涼  
羈旅生來慣淹畱久却忘吟詩酬鄧子畢昂出東方

千秋嶺上

永日倦高躋盤回四望迷松根危抱石嶺路曲隨溪馬  
腹飛雲薄山腰過雨低陰崖不可度誰此構長梯

送會稽闕彥遠罷官河北

君年長我二十五偶以氣同均弟第三歲吹沙禹河曲  
一身飛艇越雲門未緣狗監知才思端向牛衣無涕痕  
秋月圓時應待我慧林孤磬澹朝暉

己酉六月赴上饒之謫醇臣以詩送行次韻畱別  
小雅思深志不悲反騷未與昔人違五車漫苦君何益

三徑都荒我未歸要過香壚雙履步却從彭蠡一帆飛  
它年笑向張公子應帶煙霞滿客衣

魚溝懷家

生涯身事任東西藥笥書囊偶自賫柳嫩桑柔鴉欲乳  
雪消冰動麥初齊沙頭晚日檣竿直淮上春風雁鷺低  
歸去未應芳物老桃花如錦遍松溪

送曹子方福建轉運判官

談經草檄髻華生初擁閩山傳節行江入桐廬青欲斷



溪從劒浦碧來迎，茶雖戶種租宜薄。  
鹽不家煎，價欲平。  
要使祈招歌德意，君恩不為遠人輕。

泗州王諫議明叟留飲

雲水東遊蚤歲懷，半生塵土却教回。  
兩行堤柳關心在，一點淮山入眼來。  
北省主人誇酒好，南風稚子喜帆開。  
揚州底事牽行色，端為瓊花芍藥催。

澠池道中寄福昌令張景良通直

十年一夢間湖湘，欲往從之道阻長。  
可但知君愛彭澤，

不應言我薄淮陽馬川峭底流泉白鳥下關頭落照黃  
愁作驛亭寒不寐懷人思古九迴腸

次韻邵倅王征夫

函谷雞鳴滿面塵夫君泛愛尚為親清時有味俱吾黨  
黃髮相看更幾人物理未驚翁喪馬世情應笑子知津  
似聞絕塞風沙苦只約觥船莫負春

蝮軒孤坐寄曹南教授八弟

畏暑經旬不涉街蝮軒孤坐壁生苔出簷碧筍猶爭長

映戶丹榴故後開  
雙葉風前愁夜去  
一蟬雨外送秋來  
曹南瘦弟應相憶  
白首遷兄未放回

遊華嶽歸道中望仙掌

深巖踏遍尋歸路  
仙掌依然在碧虛  
無限遊人重駐馬  
豈惟狂客倒騎驢  
挂圖天漢朝霞上  
落影秦關夕照餘  
千古全生纔一士  
可憐登覽盡丘墟

希夷祠堂在觀中

罷蒲乾濠道中寄府教授之道弟

衝寒到郡待花開  
花未開時却遣回  
敢意三年容我隱

只如千里訪君來二嶠較擊何為者五老雲霾安在哉  
更約劉詩猿虎谷它年重過掃莓苔

元符戊寅與無數弟卜居緡城東述情

四海一居何處卜北窗祇取見家山要無名利來心曲  
便有園林出世間拙宦莫興三黜歎老歸未厭百年閒  
先君餘慶期之子吾駕如今不可還

次韻李秬祥符軒

雲端紅粉拊雕欄謝守綸巾笑語間遊客乍驚人外境

居僧初識面前山暫來猶足留公賞借與真堪着我頑  
鈴閣多餘賓從少誰教餅盞不曾間

補之自謂

### 國子監莫歸

杖屨清晨往縑囊薄暮歸閒官廳事冷蝴蝶上堦飛

### 答李令

知音慙李令問我復何為道義惟添睡功名只有詩

### 譙國嘲提壺

何處提壺鳥荒園自叫春夕陽深樾裏持此勸何人

陌上花

事見蘇先生詩

荆王夢罷已春歸  
陌上花隨暮雨飛  
却喚江船人不識  
杜秋紅淚滿羅衣

臨安城郭半池臺  
曾是香塵撲面來  
不見當時翠輦女  
今年陌上又花開

雲母蠻牋作信來  
佳人陌上看花回  
妾行不似東風急  
為報花須緩緩開

外舅杜寺丞永城守水作詩寄呈

雪消冰動看通津草長江南岸  
岸春莫唱龍舟五更曲  
揚州楊柳解愁人

約李令

苑檐明月夜蕭蕭殘雪晶熒在  
柳條獨約城隅間李令  
一盃山芋校離騷

和胡戢

相逢樽酒未辭深握手盱眙十載心  
車馬淒涼人夜別  
出門落月與橫參

聞說歸心已浩然蘇門況有子雲廬廣文不去慙官長  
繫馬堂階要酒錢

題工部文侍郎周翰郭熙平遠二首

漁村半落楚江邊林外秋原雨外天誰倚竹樓邀大舫  
天涯暮色已蒼然

洞庭木落萬波秋說與南人亦自愁欲指吳松何處是  
一行征鴈海山頭

赴廣陵道中三首



醉卧符離太守亭別都絃筦記曾稱淮山楊柳春千里

尚有多情憶小勝

南都畱守使雙鬟勸酒小勝其字也

急鼓鼕鼕下泗州却瞻金塔在中流帆開朝日初生處  
船轉春山欲盡頭

楊柳青青欲哺烏一春風雨暗隋渠落帆未覺揚州遠  
已喜淮陰見白魚

揚州雜詠

阜茨村南三里許春江不隔一程遙雙堤闢起如牛角

知是隋家萬里橋

龍興寺裏青雲幹后土祠中白雪葩五百年間城郭改  
空畱鴨脚伴瓊花

宿采石追懷沈丘叔父同應詔渡此今二十七年  
矣而叔父謝世補之方遠適泣涕成篇

二十七年前應詔黃昏同上木蘭舟江山依舊人琴寂  
白首南遷淚迸流

題廬山

南康南麓江州北五百僧房綴蜜脾盡是廬山佳絕處  
不知何處合題詩

過赦北歸

山猶故險水猶奔無復前年濺淚痕自是人心隨境別  
櫓聲帆色盡君恩

皖口寄懷前太平守陳公度

龍舒人

常愛東陵早拂衣我行曾不叩荆扉憑君天柱峰頭望  
看我扁舟幾日歸

初望廬山

休說江南青未了一菴一徑可容身宦程正迫西風急  
未是廬山好足人

貴溪在信州城南其水西流七百里入江

玉山東去不通州萬壑千巖隘上游應會逐臣西望意  
故教溪水只西流

泊思禪寺呈廖明略其地蓋千越寺在琵琶洲上  
遲君千越思禪寺彌月忘歸在翠嵐忽見琵琶洲上月

始驚全室在天南

將行陪貳車觀燈

行歌紅粉滿城歡  
猶作常時五馬看  
忽憶使君身是客  
一時揮淚逐金鞍

栗區村與無斃別

十年投分皆鄉相  
四海論心只弟兄  
昆老憶歸耕  
困隨牒  
春風揮淚栗區村

題穀熟驛舍二首

驛後新籬接短牆  
枯荷衰柳小池塘  
倦遊到此忘行路  
徒倚軒窗看夕陽

一官南北髻將華  
數畝荒池淨水花  
掃地開窗置書几  
此生隨處便為家

宋詩鈔卷三十四

欽定四庫全書

宋詩鈔卷三十五

內閣中書舍人吳之振編

鄒浩道鄉詩鈔

浩字志完常州晉陵人第進士為太常博士哲宗擢  
為右正言時廢孟后立賢妃劉氏浩切諫削官羈管  
新州徽宗立召還復官問諫草安在曰焚之矣退告  
陳瓘曰禍在此乎異日奸人妄出一緘則不可復辨

也蔡京用事果為偽疏陷之遂謫衡州尋竄昭州五年得歸復直龍圖閣疾卒高宗贈寶文閣直學士賜謚忠嶺表歸後自闢小圃號曰道鄉故學者稱道鄉先生

秋蠅

秋風快如刀着木木欲折蕃鮮轉淒淒入眼無一悅青蠅獨何為飛鳴猶未滅造化本無私爾生亦偶竊念方三伏中日車午停轍下照人世間何異紅爐熱勁鳥倦



戢翼獐獸喘吐舌惟人於此時體懈劇疲茶虛堂幸可  
逃枕簟隨意設好睡邊韶同素懶嵇康埒更此值清涼  
酣寢謂須決雙睫纔欲交汗膚遭爾齧營營不絕聲宛  
類讒口哂使我寢不安欲息還復孳況如一簟貧未能  
萬錢歎園蔬薦脫粟杯盤殊減裂雙筋纔欲拈咀嚼遭  
爾餐適從何處來食飲汙脩潔使我味不甘欲嚥還復  
噎毆除付疲兵祇足增跛蹙宜哉孫權彈為爾情激切  
期望秋風回一掃無餘孽偶此延朝昏勿謂風不烈氣

侯侵凝凜龍蛇且藏穴爾形大豆然豈能堅如鐵

再酬仲孺

龍團方啓封數子已驚視端如肖壁人騎羊入城市又如金谷姿不合樓前墜囊衣本酸寒茶具無一是紛紛詰鄰家浪欲學擁鼻秋空輒雲雷秘惜乃天意未敢還巾車且集諸生試豈非今年芽歲月與君異直須如印刊詩驛跡來使念君才患多落筆有餘思盈編故可期河流幾時泚君應嘲馬肝不食亦知味

次韻韓君表雪中感懷

龍衣不解顏憂民向來急天高委真符年豐兆原隰連  
山水氣昏過雲雁聲澁先春凌馬奔投隙作塵入瀕竹  
乍蕭蕭驚風還汲汲頗輕花鬪狂肯共雨爭濕夜半回  
曉光木杪森鵲立開編適吾心鼓枻輟清集一飽儻可  
償萬事非所及想見秋稼前腰鎌荷青笠

仲益約遊延慶不至作此戲之

出門無他岐一徑指山麓餘寒弄晴陰淅瀝散輕玉我

僕亦賞心我馬亦飛肉回首幕中英文書正拘束

戲督潛亭作春羹

先生家中餘玉粒粉以為餅陪春羹春羹品物謝時味  
江流暖泛園中英晴窗對案忽舉首徑走長鬚呼友生  
襄陽大夫腹如鼎一箸九牛猶未盈懽然放筯即過我  
自嘆珍庖逾大烹且言初意亦在我屬我府事畱西城  
先生飯不飯俗客若苦轉眄相倒傾東風雕剝物物好  
槎頭縮頸尾不頰藥苗蔬甲破土出似與米齊爭功名

應憐十載瘦藜莧為我一除饑腸鳴

潛亨既見和再作此贈之

不作苟見如君平不以禮屈如樊英  
庾堅卧三十載凜凜風聲人自傾  
墻東墻西過高馬往往愧汗面發頰  
豈知嗜欲極豺虎白晝擇肉無厭盈  
有時一飯稔奇禍他年五鼎還遭烹  
狡兔未滅黃犬在突兀上蔡空前城  
先生謝去既飽德鼓腹之趣終難名  
更要我輩集匙筯風雨不變如雞鳴  
自憐頭額乏奇表幾與虀鹽同此生

不愁握手遂傾覆只愁未至聞憂美

嘲仲益

春時殖蘭甚勤比新東軒遂悉鋤去或者  
訛笑則曰予將易竹於此作此戲之

低簷蔭茅竹陋如野人居夫子莞爾笑曰此真吾廬庭  
前鬱喬木庭後猶榛蕪芟削隨手淨春蘭殖扶疎光影  
動窗几馨香襲文書皎然紉佩心邂逅同三閭爾來基  
構新百事凌往初突兀煥華屋茅竹掃其餘雙楠庭之  
珍斬伐殊榮枯要知碧油幢特立當階除念念入勲業  
不與蓬華俱蘭雖不生門安能遠誅鋤剖琴如剖薪烹

鶴如烹魚珠玉抵飛鳥  
鐔鐘委洪爐逝矣覆轉存來車猶  
此涂尚欲取脩竹永以娛朝晡  
問竹竹無言冷風一虛徐

別零陵

零陵距中邦道阻五千里  
我以放逐來本非心樂只身  
止高山巔忽忽彌半襪  
人情久自親況復多可喜  
坐使故鄉念如火沃之水  
罪大不得畱今茲動行李  
照州雖嶺南流寓蓋均耳  
儻未還庭闈在彼猶在此  
胡然當作離耿耿殊不已  
物我要兼忘咄哉從此始

詠路

赤路如龍蛇不知幾千丈出沒山水間一下復一上伊  
予獨何為與之同俯仰

聞彥和過桂州

人臣難有已況復顧其家忘家以徇國致主為勛華割  
愛非不仁成功詎能加御史殿中傑指摘一作生疵瑕

昔如鵲矯雲今如兔羅罫省符到房陵驅逐殊喧譁即  
日出門去形影自天涯羈鳳攜衆雛驚散隨風沙渺漭



失處所何由書報嘉君心固已定聞者空傷嗟

大雨中接憲使因成小詩呈陽先生

霜風折木雨如傾  
斂板泥中廝役并  
遙想先生鼓琴瑟  
觀書正傍短燈檠

二月十五日朝拜建隆橋上偶作

單衣迎犯曉風清  
斗柄回南月尚明  
柳密行人看不見  
輪蹄相屬但聞聲

湖上雜詠

荷葉如錢三月時幅巾藜杖一追隨爾來勝事知多少

惟有風標公子知

杜牧之以白鷺為風標公子

何處清風作晚涼解衣相與面滄浪青萍紫荇令人恨  
遮却琉璃萬頃光

華亭標格本青雲邂逅西湖秋復春作意一聲君會否  
鷗鷺集處是真人

疾病經旬厭藥杯喜君折簡傍湖來濃雲幾敗乃翁事  
賴有南風爲約開

穰東驛壁間有詩因次其韻

簪轡驅馳長眼花更堪風雨作泥沙郵亭准擬一醉倒  
白酒黃雞無處賒

早行

朝來由氣銳前程入馬蹄天形隨月見斗柄傍人低路  
轉纔縈白沙平豈辨泥露零欺髻髮犬吠隔蒿藜恍惚  
南柯夢參差逢氏迷比經十里堠始報一聲雞似脫關中  
日如趨地下蹊脩真空有術習懶信無梯行李幾時北

武當猶在西誰知貴公子角枕正清閨

順陽東山下小池

用西伏牛亭謝公定韻

行盡江山知幾重山前池沼尚殘紅塵埃滿眼欣相見  
駐馬垂楊夾岸風

將到均州

武當孤壘插天西一見都忘渴與饑倦客惟貪早休歇  
不知匏繫未成歸

入試院呈同事章顯父推官及監試柴承之朝奉

漢江洶洶不知休江上譙門鼓角秋  
匹馬崎嶇隨國事同心邂逅得儒流  
何妨蟋蟀牀頭急況是芭蕉雨脚收  
別乘端容共蕭散從今相與傲浮丘

鄰家集射

牆東金鼓不停聲知是將軍奕世孫  
莫浪鳴弓向飛雁一年一度到中原

雨中

五月沈陰久不開冷風吹雨滿天街  
老農且莫愁蠶麥

丞相祈晴已宿齋

謝潛亭惠芸香紫桃

暑窗已覺書生蠹  
饑腹還驚雨後雷  
珍重先生解人意  
芸香桃實一時來

聞存之遊京師且邸報達官有薦之者

昨來不肯聽朝雞  
乞得真官即日歸  
老納蒲團閒共倚  
少師玉麈醉同揮  
誰知捷徑嵩山在  
未覺心馳魏闕非  
綠鴨波中釣竿手  
只應從此叩黃扉

存之曾有詩云從來釣竿手不解叩

黃扉

仁老寄墨梅

前年謫向新州去  
嶺上寒梅正作花  
今日霜縑玩標格  
宛然風外數枝斜

懷何伯震

我別家時君在牀  
後來南北兩相忘  
直饒伏枕到新歲  
也勝投身居瘴鄉  
孤節未嘗交世俗  
清貧何以度星霜  
皇天默相誰窺得  
看取他年吾道光

懷張晉卿

年少東鄰新親家，奮然鱗鬣脫泥沙。  
傳聞昨者數時弊，想見邇來雙髻華。  
局上光陰聊鬪馬，盃中意氣莫生蛇。  
江鱸已過河鮑出，准擬從君烹荻芽。

又得數文書

一封黃勅下天關，嶺表湖南釋舊跼。  
吏部回頭真可笑，拾遺作伴竟同還。  
張公洞裏花流水，揚子江邊雪滿山。  
更約家居多暇日，相從莫遣髩毛班。



送王表仲侍親赴闕

置榻初相得膏車忽起行  
秋風無限事春酒不勝情  
原憲何曾病丘明竟有聲  
從容湖上語它日看功成

宋詩鈔卷三十五

欽定四庫全書

宋詩鈔卷三十六

內閣中書舍人吳之振編

秦觀淮海集鈔

秦觀字少游一字太虛揚州高郵人豪雋慷慨溢於  
文詞舉進士不中盛氣好奇讀兵家書見蘇軾於徐  
為黃樓賦軾以為有屈宋才介其詩於王安石亦謂  
清新如鮑謝軾勉以應舉為親養始登第筮仕元祐

初軾以賢良方正薦於朝除秘書正字兼國史院編  
修官日有研墨器幣之賜紹聖初坐黨籍出判杭州  
以增損實錄貶監處州酒稅使者承風旨伺過失無  
所得則以謁告寫佛書為罪削秩編管橫州徙雷州  
徽宗放還至藤州出遊華光亭為客道夢中長短句  
索水飲笑視水而卒朱子謂渠詩合下得句便巧呂  
居仁云少游過嶺後詩嚴重高古自成一家故當時  
於蘇門並稱秦晁晁以氣勝則顓衍而新崛秦以韻

勝則追琢而淳泓要其體格在伯仲而晁為雄大矣

泊吳興觀音院

金刹負城閨閫然美棲止卞山直穹窿苔水相依倚霜  
檣鬱冥冥海棕鮮嶷嶷廣除庇夏陰飛棟明朝晷溪光  
鳬鶩邊天色菰蒲裏緒風傳畫焚壁月窺夜禮洩雲隼  
層空規荷鑑幽汜舳舨煙際下鐘磬林端起聲牙戲清  
深歎崙撲空紫所遇信悠然此生如寄耳志士恥溝瀆  
征夫念桑梓攬衣軒楹間歎歌何窮已

田居四首

鷄號四隣起結束赴中原戒婦預為黍呼兒隨掩門犂  
鉏帶晨景道路更笑喧宿潦濯芒屨野芳簪髻根霽色  
披宵靄春空正鮮繁辛夷茂橫阜錦雉嬌空園少壯已  
雲趨伶俜尚鵝蹲蟹黃經雨潤野馬從風奔村落次第  
集隔塍致寒暄眷言月占好弩力競晨昏

入夏桑柘稠陰陰翳虛落新麥已登場餘蠶猶占箔隆  
曦破曾陰霽靄收遠聲雌蜺卧淪漪鮮飈泛藂薄林深

鳥更鳴水漫魚知樂羸老厭煩歌解衣屢盤礴蔭樹濯  
涼颼起行遺帶索家婦餉初還丁男耘有託倒筒備青  
錢鹽茗恐垂橐明日輪絹租鄰兒入城郭

昔我蒔青秧廉纖屬梅雨及茲欲成穗已復頽星暑遲  
暮易昏晨搖落多砧杵村迥少過從客來旋炊黍興發  
即杖藜未嘗先處所褰裳涉淺瀨矯首沒孤羽藪祠土  
鼓悲野埭鷗雞舞稚子隨販夫老翁拜巫女辛勤一作艱難  
稼穡事惻愴田疇語得穀不敢儲催科吏傷午

嚴冬百草枯，鄰曲富休暇。土井時一汲，柴車久停駕。  
寥場圃空跼，跼跼烏鵲下。孤榜傍橫塘，喧春起旁舍。  
田家重農隙，翁媼相邀迓。班坐醺酒醪，一行三四謝。  
陶盤奉旨蓄，竹筍羞鷄炙。飲酣更獻酬，語闕或悲咤。  
悠悠燈火暗，刺刺風飈射。客散靜柴門，星蟾耿寒夜。

富疑作當

寄題傅欽之草堂

河陽有洿流，經營太行根。盛德不終晦，發為清濟源。  
斯堂濟源上，太行正當門。仰視浮雲作，俯窺流水奔。  
脩竹



帶藩籬百禽鳴朝暾相望有盤谷李愿故居存主人國  
之老實惟商巖孫班行昔供奉亟進逆耳言天子色為  
動羣公聲亦吞蕭條永霜際不改白玉溫出處士所重  
其微難具論公勿思草堂朝廷待公尊

次韻邢敦夫秋懷十首

以微雲淡河漢疎  
雨滴梧桐為韻

驅車陟高丘却望大梁圻馳道入雙闕勾陳連太微夷  
門壯下屬清洛相因依美哉吾黨士臯禹良可希

暮有二客至俱以能禪聞一枝惠林出一派智海分言

各不相可往來劇絲棼謝客姑舍是妨余醉看雲

昔者曾中書門戶實難瞰筆勢如長淮初源可觴濫經  
營終入海欲語焉能暫斯人今則亡悲歌風慘愴

渤海有巨鼇其巔冠峩峩宿昔嘗小抃八紘相盪摩忽  
遭龍伯人一舉空潮波取皮煎作膠清此崑崙河

蝮蛇初螫手壯士斷其腕豈不悲毀傷所恤在軀軀西  
羌沙鹵地置戍或煩漢雞肋不足云阿瞞妙思算

湯湯辟靡流中有學子居但說若稽古言猶三萬餘來

者轉相祖詞林日凋疎稍喜績溪令入校天祿書

匠氏構明堂百材入斤斧儻非豫章棟冗長亦焉取英  
英范與蘇器識兼文武胡為先一州不用作霖雨

憬彼高句麗來修裔夷職天都富如海勞汝送涓滴軸  
艚尾相銜遠近困供億止沸當絕薪揚湯百無益

祖宗舉賢良充富多名儒執事惡言者此科為之無雖  
有仲舒錯或橫江潭魚果欲鳴鳳至還當種椅梧

邢侯秋臥痾揮毫見深衷賡者二三子翕然笙磬同不

為兒女姿頗形四方風屬有山水念因之絲與桐

春日雜興十首

飄忽星氣徂青陽迫遲暮鳴飛各有適赤白紛無數雨  
砌墮危芳風軒納飛絮褰帷香霧橫岸幘雲峰度林影  
舞窻扉池光染衣屨參差花鳥期蹭蹬琴觴趣撫事動  
幽尋感時遺近慕秣馬膏余車行行不周路

結髮謝外好餽俛希前修繆挾江海志恥為升斗謀  
歷難刻畫賤貧多釁尤發軔背伊闕解駟憇邦溝丹鉛

費永晷麴蘖毆深愁壁月鑒簾櫳珠星絡梧楸泯泯渠  
水駛霏霏花霧浮公子悵何許撫膺徒離憂

潭潭故邑井猗猗上宮蘭不食自清潔莫服更幽閒志  
士恥弱植卷跡甘饑寒佳晨追長覲觸物懸悲端川途  
眇回遠經歲曠音翰豈不慕裘馬詭得非所安蟬冕多  
怵迫繩樞尠憂患枉尋竟何補方枘誠獨難

吳會雖徧小海濱富奇峯天難一號叫劒戟明遙空豁  
谷相徑復深林杳攢叢猿吟虎豹啼雲氣迷西東中有

遯世士超然閼孤踪被蘭服明月起坐松聲中夜鍛吸  
沆瀣朝琴庇青葱騎星友元氣巢許安可同俛眄區中  
人飛埃集毛鋒問津或不繆從子遊鴻濛

東方有美人容華茂春榮抱影守單棲含睇理哀彈聲  
意一何切所歡邈雲漢徒然事膏沐孰與徂昏旦微誠  
浪自持嘉月忽復晏巧轉度虛櫺飛紅觸幽幔歲歲芳  
草滋夜夜明星爛合并會有時索居不必歎

寢瘵倦文史駕言從遨嬉颺風舉遙淑規日麗清漪含

桃榮朱實杜若懷碧滋娉娉弱絮墮圍圍文魴馳明霞  
廓遠矚哀禽攪離思緝草天際合孤雲川上移寬閒絕  
輪鞅重復多路歧信美難久佇歸歟從所治

昔我遊京室交通五陵間主客各英妙袍馬相追攀千  
金具飲啜百金顧吹彈纓弁羅廣席當頭舞交竿鮮粧  
耀淥酒采纈生風瀾燈燭暗夜艾士女紛相班歡娛易  
徂歇轉盼如飛翰疊疊負孤願離離銜永歡山鳥窺茗  
飲簷花笑疏飧棄捐勿重陳事定須蓋棺

客從遠方來遺我昭華管吹之動人心異境生虛竅礫  
礫青嶂橫泱泱春溜漸馬蹄交狹邪車轂錯平坦士女  
競芳辰禽魚蔭修竿依微認睇笑淩沒見纖短停吹歛  
泯滅耽耽復空館靈物信所珍顧恨知音罕

桃李用事辰鮮明奪雲綺繁華一朝去默默慚杞梓時  
徂鷹化鳩地遷橘為枳獨有羨門生後天猶不死

猶一作常

藝籍燔祖龍斯文就淪喪帝矜黔首愚諸雋

一作雄

出相

望楊馬操宏綱韓柳激頽浪建安妙謳吟風槩亦超放



玉繩帶華月艷艷青冥上奕世希末光經緯得無妄兒  
曹獨何事詆斥幾覆醬原心良自誣猥欲私所尚螳螂  
拒飛轍精衛填溟漲咄咄徒爾為車海固無恙鵝鸞日  
彫滅黃口紛冗長投袂睇層霄茲懷誰與亮

同子瞻端午日遊諸寺賦得深字

太史抱孤韻暢懷在登臨別乘慙鄒枚佳辰事幽尋參  
差水石瘦窅窕房櫳深清磬發疎箔妙香橫素襟復登  
宰堵坡環回矚歡崙雙溪貫城郭暝色帶孤禽涼飈動

爽籟薄雨生微陰  
塵想澹清漣  
牢愁洗芳斟  
揮毫訂往古  
援毫示來今  
悔無刻燭敏  
續此金玉音

寄陳季常

一鉤五十轄  
始具任公釣  
揭竿趣灌瀆  
與爾不同調  
先生本西蜀  
俠氣見英妙  
哀憐世間兒  
細點似黃鷄  
侍童雙擢玉  
鬢髮光可照  
駿馬錦幃泥  
相隨窮海嶠  
平生攜手好  
十七登廊廟  
小生相吏耶  
徒枉尺書召  
暮年更折節  
學佛得心要  
驚馬放阿樊  
幅巾對沈燎  
泠泠屋外泉

兀兀原頭燒欲知山中樂萬古同一笑

送少章弟赴仁和主簿

我宗本江南為將門列戟中葉徙淮海不仕但潛德先  
祖實起家先君始逢掖議郎為名士余亦忝詞客風流  
以及汝三通桂堂籍汝弱不好弄文章有新格久從先  
生遊術業良未測武林一都會山水富南國下有賢別  
駕上有明方伯干將入砥礪驤裏就銜勒勿驚孔鸞姿  
不樂棲枳棘吳中多高士往往寄老釋辯才雖物化參

寥猶夙昔投閒數訪之可得三友益少來輕別離老去  
重乖隔念汝遠行役惆悵意不懌道山雖云佳久寓有  
饑色功名已絕意政苦婚嫁迫終從大夫議稅駕邦溝  
側追踪漢兩疏父子老阡陌

送李端叔從辟中山

人畏朔風聲我聞獨寬懷豈不知凜冽為自中山來端  
叔天下士淹留蹇無成去從中山辟良亦慰平生與君  
英妙時使氣上參天孰云行半百身世各茫然當時兒

戲念今日已灰死著書如結菴聊以忘憂耳駸駸歲道  
盡淮海歸無期功名良獨難雖成定奚為念君遠行役  
中夜憂反側攬衣起成章贈以當馬策

次韻夏侯太冲秀才

儒官飽閒散室若僧房靜北窗腹便便支枕看斗柄或  
時得名酒停午猶中聖醒來復何事秉筆賦秋興焉知  
懶是真但覺貧非病茫茫流水意會有知音聽鐘鼎與  
山林人生各天性

雷陽書事三首

駱越風俗殊有疾皆勿藥束帶趨祀房瞽史巫紛若絃  
歌薦繭栗奴主洽觴酌呻吟殊未央更把雞骨灼

一笛一腰鼓鳴聲甚悲涼借問此何為居人朝送殤出  
郭披莽蒼磨刀向猪羊何須作佳事鬼去百無殃

舊傳日南郡野女出成群此去尚應遠東門已如雲蚩  
氓託絲布相就通慇懃可憐秋胡子不遇卓文君

海康書事十首

白髮坐鉤黨南遷海瀕州灌園以餬口身自雜蒼頭籬  
落秋暑中碧花蔓牽牛誰知把鉏人舊日東陵侯

荔子無幾何黃柑遽如許遷臣不惜日恣意移寒暑層  
巢俯雲木信美非吾土草芳自有時鵲鳩何關汝

卜居近流水小巢依嶽岑終日數椽間但聞鳥遺音鑪  
香入幽夢海月明孤斟鷓鴣一枝足所恨非故林

培塿無松柏駕言出焉遊讀書與意會却掃可忘憂尺  
蠖以時詘其信亦非求得歸良不惡未歸且淹留

粵女市無常所至輒成區一日三四遷處處售鰕魚青  
裙脚不襪臭味猿與狙孰云風土惡白州生綠珠

海康臘已酉不論冬孟仲殺牛撾祭鼓城郭為沸動雖  
非堯歷頌自我先人用大笑荆楚人嘉平獵雲夢

祭祭菴摩勒作湯美無有上客賦驪駒玉奩開素手那  
知蒼梧野棄置同芻狗荆山玉抵鵲此事絲來久

喬上桑柘稀蠶月不紡績吳綃與魯縞取具網船客一  
朝南風發家室相咻迫半賈鬻我藏倍稱還君息



一雨復一暘蒼茫颶風發怒號兼晝夜山海為顛蹶云  
何大塊噫乃爾不可遏黎明衆竅虛白日麗空濶

合浦古珠池一熟胎如山試問池邊蜃云今累年閒豈  
無明月珍轉徙溟渤間何關二千石時至自當還

馬上口占二首

向晨結束事長途利風刮面冰在鬚岡窮得水馬不進  
霧暗失道人相呼悠悠旁舍見汲井軋軋隔林聞輓車  
遊目騁懷自可樂勿憶鄉縣增煩紆

霜風稜稜萬木枯梅花破萼猶含鬚田家往往事遊獵  
追逐狐兔相號呼微茫山中起狂燒隱約林梢低日車  
馬頭漸覺有佳趣勿厭阡陌多縈紆

和黃法曹憶建溪梅花同參寥韻

海陵參軍不枯槁醉憶梅花愁絕倒為憐一樹傍寒溪  
花水多情自相惱清淚斑斑知有恨恨春相逢苦不早  
甘心結子待君來洗雨梳風為誰好誰云廣平心似鐵  
不惜珠璣與揮掃月沒參橫畫角哀暗香銷盡令人老

天分四時不相貸孤芳轉盼同衰草要須健步遠移歸  
亂挿繁華向晴昊

題腰褭圖

雙瞳夾鏡權協月尾鬣蕭森澤於髮鞍銜不施韁復脫  
有無馭者氣騰越地如砥平丘隴滅天寒日暮抱饑渴  
驤首號鳴思一發超軼絕塵入恍惚東門金鑄久消歇  
曹霸丹青亦云沒賴有龍眠戲揮筆眼前時見千里骨  
玉臺閭闔相因依嗟爾龍媒空自奇驚旗日行三十里

焉用逐風追電為

以蓴薑法魚糟蟹寄子瞻

鮮鯽經年漬醯醢團臍紫蟹脂填腹後春蓴茁滑於酥  
先社薑芽肥勝肉鳧卵纍纍何足道飮餌盤殮亦時欲  
淮南風俗事瓶罌方法相傳為旨蓄魚鱸蜃醢薦籩豆  
山簌溪毛例蒙錄輒送行庖當擊鮮澤居備禮無麋鹿  
輦下春晴

樓闕過朝雨參差動霽光衣冠紛禁路雲氣繞宮牆亂

絮迷春濶。鶯花困日長。經旬牽酒伴。猶未獻長楊。

睡起

睡起東軒下。悠悠春緒長。爬搔失幽囀。欵欠墮危芳。蛛網留晴絮。蜂房受晚香。欲尋初斷夢。雲霧已冥茫。

對淮南詔獄

淮海行搖落。文書亦罷休。風霜欺獨宿。燈火伴冥搜。笳動朱樓曉。參橫粉堞秋。更拚飛鏡破。應得大刀頭。

次韻答米元章

生  
卷之六  
三  
十六  
嗜好清無滓周旋衆有文揮毫春在手岸憤海生雲花  
鳥空撩我蓴鱸正屬君惟應讀雌蜺差不愧王筠

宿參寥房

鄉國秋行暮房櫳日已暝驚風多犯竹破月不藏星鉤  
箔簷花動抄書燭燼零非關相見喜自是眼長青

次韻傳道自適兼呈都司芸叟學士

楚國陳夫子周南頗滯留弊袍披槁葉瘦馬兀扁舟藥  
餌過三伏文書散百憂何人共禪悅居士有浮休

遊龍門山次程公韻

路轉橫塘入亂峯，遍尋瀟灑興無窮。  
樓臺特起喧卑外，村落隨生指點中。  
溪傍五雲清逗玉，松分八面翠成宮。  
歸途父老欣相語，今日程公昔謝公。

遊龍瑞宮次程公韻

靈祠真館閼山隈，形勢相高對越臺。  
莓徑翠依屏上轉，藕花紅繞鑑中開。  
鶴銜寶箭排煙去，龍護金書帶雨來。  
夾道萬星攢騎火，滿城爭看使君回。

次韻朱李二君見寄二首

東阡北陌坐淹時，偶為高風振羽儀。  
十丈蓮花開處遠，三年楮葉刻成遲。  
鬢毛但速安仁老，錢粟難輸曼倩饑。  
尚賴故人遙省憶，發揮春色有新詩。

萬古流空一鳥沈，衣冠常苦事違心。  
七行俱下知君舊，四者難并笑我今。  
梅已偷春成國色，雲猶憑臘造天陰。  
美人綠綺煩遙贈，莫致南金增永吟。

寄題倪敦復北軒



倪郎才韻照冰壺北向開軒頗自娛  
簷度蕙風鳴鵲鵲  
壁經梅雨畫蟬觥籌交錯銀河挂  
文史縱橫角簟鋪  
官舍私居同是漫莫嗟三徑就荒蕪

次韻子由題平山堂

棟宇高開古寺間盡收佳處入雕欄  
山浮海上青螺遠  
天轉江南碧樹寬  
雨檻幽花滋淺淚  
風卮清酒漲微瀾  
遊人若論登臨美須作淮東第一觀

次韻子由題摘星亭

迷樓  
舊址

崑崙左右兩招提中起孤高雉堞西不見燒香成宿霧  
虛傳裁錦作幃泥螢流花苑飛星亂蕪滿春城綠髮齊  
長憶凭欄風雨後斷虹明處海天低

次韻子瞻贈金山寶覺大師

雲峰一變隔炎涼猶喜重來飯積香宿鳥水干迎曉開  
亂帆天際受風忙青鞋踏雨尋幽徑朱火籠紗語上方  
珍重故人敦妙契自憐身世兩微茫

遊鑑湖

畫舫珠簾出繚牆。天風吹到芰荷鄉。水光入座杯盤瑩。  
花氣侵人笑語香。翡翠側身窺綠酒。蜻蜓偷眼避紅粧。  
蒲萄力緩單衣怯。始信湖中五月涼。

春日寓直有懷參寥

觚稜金爵自岩堯。藏室春深更寂寥。捫蝨幽花歆露葉。  
岸巾高柳轉風條。文書几上鬚髯變。鞍馬塵中歲月銷。  
何日一筇江海上。與君徐步看生潮。

顯之禪老許以草菴見處作詩以約之

橡葉岡頭釋馬銜區中奇觀得窮探崖空飛鼠聲相應  
江靜羣峯影倒涵居士碧雲裁秀句道人哀玉扣清譚  
偶成二老風流事不是三乘宿草庵

和孫莘老遊龍洞

葦蕭傳火度冥冥乍入清都醉魄醒草隱月崖垂鳳尾  
風生陰穴帶龍腥壁間泉貯千鍾碧門外天橫數尺青  
更欲仗筇留頃刻却疑朝市已千齡

西城宴集元祐七年三月上已詔賜館閣官花酒

以中澣日遊金明池瓊林院又會於國夫人園

會者二十有六人二首

春溜泱泱初滿池晨光欲轉萬年枝樓臺四望煙雲合  
簾幕千家錦繡垂風過忽聞花外笑日長時奏水中嬉

太平誰謂全無象寓在羣仙把酒時

次王敏中  
少監韻

宜秋門外喜參尋豪竹哀絲發妙音金爵日邊棲壯麗  
彩虹天際卧清深已煩逸少書陳迹更屬相如賦上林

猶恨真人足官府不如魚鳥自飛沈

次王仲至  
侍郎韻

寄新息王令藏春塢

令尹才高寺為空歲時行樂與民同旋開小塢藏春色  
更製新聲寫土風客向樽前忘爾汝路穿花去失西東  
無言嬌女今焉在桃李相傳恨未窮

寄題趙侯澄碧軒

風流公子四難并更引清漪作小亭潤及玉階春漲雨  
光浮藻井夜涵星捲簾几硯成圖畫倚檻鬚鬟入鏡屏  
何日解衣容借榻臥聽螭口瀉泠泠

寄張文潛右史

解手亭臯纔幾月春風已復動林塘稍遷右史公何忝  
初閱除書國為狂日出想驚儒發冢風行應罷女爭桑  
東坡手種千株柳聞說邦人比召棠

次韻太守向公登樓眺望二首

茫茫汝水抱城根野色偷春入燒痕千點湘妃枝上淚  
一聲杜宇水邊魂遙憐鴻隙陂穿路尚想元和賊負恩  
粉堞女牆都已盡恍如陶侃夢天門

庖煙起處認孤村天色清寒不見痕  
車網湖邊梅濺淚  
壺公祠畔月銷魂  
封疆盡是春秋國  
廟食多懷將相思  
試問李斯長歎後誰牽黃犬出東門

寄錢節

時節出為揚州從事  
新錄兼簡參寥

論月柴門不浪開  
命車良為故人來  
茫然極目春千里  
尚想愁腸日九迴  
綠水池邊聊復爾  
黃梁枕上信悠哉  
何時共約參寥子  
自擷青青作飯材

贈劉使君景文



落落衣冠八尺雄  
魚符新賜大河東  
穰苴兵法由司馬  
曹植詩原出國風  
拈筆古心生篆刻  
引觴俠氣上雲空  
石渠病客君應笑  
手校黃書兩鬢蓬

答龔深之

深巷茅簷日漸長  
臥看花鳥競朝陽  
惜無好事攜樽酒  
賴有隣家振燭光  
尚友頗存書萬卷  
封侯正闕木千章  
錯刀錦段相仍至  
小子都忘進取狂

答曾存之

環堵蕭然汝水隈孤懷炯炯向誰開青春不覺晝邊過  
白髮無端鏡上來祭竈請鄰聊復爾賣刀買犢豈難哉  
故人休說封侯事歸釣江天有舊臺

次韻裴仲謨和何先輩

汝南古郡寡參尋兀兀長如鶴在陰支枕星河橫醉後  
入簾風絮報春深青山未落詩人手白髮誰知國士心  
多謝名郎傳綠綺愧無佳句比南金

次韻劉遜父以寧齋詩二軸作以還之

揚舲偶過海邊州一見名郎破百憂荀氏諸龍俱俊偉  
河東小鳳最風流明珠白壁堪投報細草幽花入獻酬  
別駕舊齋何足念文昌新府待公遊

次韻宋履中近謁大慶退食館中

翠華初到殿中間三館諸儒共一班迎謁曉廷清蹕近  
退穿春仗綵旂閒病來怕飲東西玉老去慚陪大小山  
知續春明退朝錄借觀當奉一編還

與鄧慎思沐於啟聖遇李端叔

羸兵瘦馬犯黃塵自笑區區夢裏身不是對花能伏老  
自緣無酒可澆春校書天祿陪羣彥晞髮陽阿遇故人  
三百六旬如此少更添香火坐逡巡

會蓬萊閣

冠裳蓋座灑清風軒外時聞韻籜龍人面春生紅玉液  
銀盤煙覆紫駝峯天涵秋色山山共樹攬鄉思葉葉重  
更欲買船江北去為懷明德更從容

與李端叔遊智海用前韻

點目誰能化兩龍超然相見古人風紅塵稍與僧家遠  
白髮偏於我輩公休計浮名千載後且欣湯餅一杯同  
何時並築邦溝上引水澆花半畝宮

九月八日夜大風雨寄王定國

長年身外事都捐節物驚心一悵然正是山川秋入夢  
可堪風雨夜連天桐梢撼撼增淒淒斷燈燼飛飛落小圓  
湔洗此情須痛飲明朝試就酒中仙

寧浦書事六首

揮汗讀書不已人皆怪我何求我豈更求榮達日長聊  
以消憂

魚稻有如淮右溪山宛類江南自是遷臣多病非干此  
地煙嵐

南土四時盡熱愁人日夜俱長安得此身如石一齊忘  
了家鄉

洛邑太師奄謝龍川僕射云亡他日歸然獨在不知誰  
似靈光

身與杖藜為二對月和影成三骨肉未知消息人生到此何堪

寒暑更拚三十同歸滅盡無疑縱復玉關生入何殊死葬蠻夷

泗州東城晚望

渺渺孤城白水環舳艫人語夕霏間林梢一抹青如畫應是淮流轉處山

次韻參寥見別

爐香冉冉紆寒穗  
篝火熒熒擢夜芒  
預想江天回首處  
雪風橫急雁聲長

春日五首

幅巾投曉入西園  
春動林塘物物鮮  
却憇小亭纔日出  
海棠花發麝香眠

一夕輕雷落萬絲  
霽光浮瓦碧參差  
有情芍藥含春淚  
無力薔薇臥曉枝

袂衣新著倦琴書  
散策池塘返照初  
翠碧黃鸝相續去



荇絲深處見游魚

春禽葉底引圓吭  
臨罷黃庭日正長  
滿院柳花寒食後  
旋鑽新火熱爐香

金屋舊題煩乙子  
蜜脾新採賴蜂臣  
蜻蜓蛺蝶無情思  
隨例顛忙過一春

秋日三首

霜落邦溝積水清  
寒星無數傷船明  
菰蒲深處疑無地  
忽有人家笑語聲

月團新碾淪花甕  
飲罷呼兒課楚詞  
風定小軒無落葉  
青蟲相對吐秋絲

連卷雌蜺挂西樓  
逐雨追晴意未休  
安得萬粧相向舞  
酒酣聊把作纏頭

春日偶題呈錢尚書

三年京國鬢如絲  
又見新花發故枝  
日典春衣非為酒  
家貧食粥已多時

題郴陽道中古寺壁二絕

門掩荒寒僧未歸蕭蕭庭菊兩三枝行人到此無腸斷  
問爾黃花知不知

哀歌巫女隔祠叢饑鼠相追壞壁中北客念家渾不睡  
荒山一夜雨吹風

幽眠

幽眠起常晚冬晷復不長中間數十刻倏如驚燕翔晨  
食粗云畢申鼓鳴相望忽忽竟何就念之動中腸天地  
一逆旅死生猶轉商暫來旋云去遲速乃所常較計亦

何補徒然費慨慷不知聽兩行一槩付酒觴北風吹老  
槐白日轉紙窗布衾一覺睡身世成渺茫宿莽冬不衰  
蘭茝幽更芳無庸傷局促速此鬢髮霜

隕星石

蕭然古丘上有石傳隕星胡為霄漢間墜地成此精雖  
有堅白姿塊然誰汝靈犬眠牛礪角終日蒙羶腥疇昔  
同列者到今司賞刑森然事芒角次第羅空青俛仰一  
氣中萬化無常經安知風雲會不復歸青冥

山陽阻淺

一日行一尺十日行一丈豈不嘆淹留所幸無波浪悲  
風動深夜原野眇森爽青天行蟾蜍枯水轉魍魎此時  
蓬茆下去心劇於穢棄置勿復論通塞如反掌

次韻參寥莘老

迅風薄高林萬象號虎豹紛披枳與棘爾復鼓狂鬧我  
垣旣已頽我棟又以撓豈無一木支橫力難與較黎明  
忽自罷晴日射魚罩死水失狂瀾衰木回故貌勞生真

夢事往趨如睡覺炊黍焚黃鵠吾其理歸棹

送洪景之循州參軍

寒梅不自重輒花桃李先矯枉有佳菊最後衆芳妍各  
因一時美難以相嗤憐物理固若是士林亦宜然夫子  
南國俊聲猷推妙年數奇晚方偶參軍古龍川龍川雖  
云遠風物號清鮮羅浮不相下頡頏巉荒天雲鬢二三  
子聊足奉周旋行矣試老拳歸歟遠翔騫

茶

茶實嘉木英其香乃天育芳不愧杜衡清堪揜椒菊上  
客集堂葵圓月探奩盃玉鼎注漫流金碾響杖竹侵尋  
發美鬯猗猗生乳栗經時不銷歇衣袂帶紛郁幸蒙巾  
笥藏苦厭龍蘭續願君斤異類使我全芳馥

贈張潛道

張生何為者落魄不自拘獨攜三尺琴笑別妻與孥一  
來泊吾里忽已月再虛朝遊故人館暮止佛子廬雖無  
食羹餘所樂常晏如我欲有所進生聞勿煩紆君子閒

有道不專塊然居無道祗深適鳴戲亦已愚願生脫塵  
鞅從我滄海隅

秋夜病起懷端叔作詩寄之

寢瘳當老秋入夜庭軒空天光脆如洗月色清無縫風  
颭疾疾輕露氣霏霏重簷花伴徐步籠燭窺孤諷緬惟  
情所親佳辰誰與共夫子淮海英材大難為用秉心既  
絕俗發語自驚衆塵尾扣球琳筆端攢螭螭雄深迫楊  
馬妙麗該沈宋浮沈任朝野魚鳥狎鯤鳳與時真楚越



於我實伯仲爾來居邑鄰頗便書札貢上憑鴻雁傳下  
託鯉魚送二物或愆時已辱移文訟人生無根柢泛若  
凌波葑昧者復汲汲晨暝趨一閤陰持含沙毒射影期  
必中自匿嫫母容對客施錦幪溘然一朝逝萬物俱成  
夢形骸猶汝辭勢利猶君動思之可太息傷之為長慟  
所以古達人脫身事高縱我生尤不敏胸腹常空洞彊  
顏入規模垂耳受羈韁行謀買竿棧名理就折衷但恐  
狂接輿煩君更嘲弄

送孫誠之尉北海

吾鄉如覆孟地據揚楚脊環以萬頃湖黏天四無壁蛻  
蜒戲神珠正晝飛霹靂草木無異姿靈氣殊鬱積所以  
生羣材各抱荆山璧小為百夫防大為萬人敵夫子少  
邁倫暗鳴阻金石奏賦明光宮玉座瞻咫尺翻身墮雲  
霄十載迨窮厄焚舟更一戰得尉滄海北五月乘畫船  
簫鼓事遠適天橫齊山青雨帶楚水黑勿云晚方仕四  
十乃古昔勿云名位卑九萬自此擊幽求尉朝邑鬢髮

森已白元振尉通泉律令非所即一朝會風雲

闕丈

秋興擬韓退之

逍遙北窗下百事遠客慮無端葉間蟬催促時節去愁  
起如亂絲營纏不知緒日月豈得已還復役朝暮人生  
均有得悲歎我不悟春秋自天時感憤亦真趣

擬孟郊

曉風有暴信暮蟬無好聲曉風與暮蟬自與時節爭獨  
客辭故鄉推車謁梁城梁城道迢遞區區役吾生不如

歸舊山藜藿安性情

擬韋應物

坐投林下石秋聲出疎林  
林間鳥驚棲豈獨傷客心  
物亦有代謝此理共古今  
鄰父縮新醅林下邀同斟  
癡兒踏吳歌姪姍足訛音  
日落相攜手涼風快虛襟

宿金山

山南山北江水流半空金碧隨雲浮  
我來仍值風日好十月未寒如晚秋  
山僧引客尋蒼翠歷卷參差到平地

萬里風來拂骨清，却憶人間如夢寐。  
夜深無風月入扉，相對老人如槁枝。  
流水與天爭入海，共笑此心誰得知。  
下山却向中冷望，翻憶當時在屏障。  
老母思兒且欲歸，回首雲峯已天上。

李端叔見寄次韻

君文豪膽無與儔，使我吟諷忘離憂。  
浩如沅湘起陽侯，翻星轉日吞數州。  
華章藻句饒風力，頃刻朱紅迷畛域。  
一斑縱復為管窺，萬派終難以之測。  
區區文墨倦高情，

解鞅還遊恍惚庭半槽新水六尺簟臥視雲物行空青  
伊我籃輿抵京縣溽暑黃埃負初願君家只在御城東  
彌月不能三兩見求仙未若醉中真蟻鬪蛾飛愁殺人  
清都夢斷理歸棹回首一樹瓊枝新歸來草木春風換  
世事蝟毛那可算幸謝故人頻寄書莫笑元郎自呼漫  
陳令舉妙奴詩

西湖水滑多嬌嬌妙奴十二正芬芳肌膚皙白髮腳長  
含語未發先有香溪上夜燕侍簪裳皎如華月墮滄浪

音聲入雲能斷腸不許北客辭酒漿主人藹藹邦之良  
少年射策謁未央俊詞偉氣森開張玉杓貫斗生怒芒  
天欲文采老更昌故使斂翮窺羣翔五十僅補尚書郎  
浩歌騎牛倚徜徉東風戲雨花草狂二溪泱泱青黛光  
妙奴勿倦侑羽觴主人正欲遊醉鄉

還自湯泉十四韻

歲晚倦城郭聯驂度業峩天黃雲脚亂村黑鳥翎訛潦  
水侵生路晴天落漫坡澄江練不卷溫井鑊新磨漁火

分星遠沙鷗散點多霸祠題玉筍龍窟受金波琬琰存  
吳事兒童記楚歌孤龕瘦居士雙塔老頭陀飛鼠鳴深  
穴胡蜂結巧窠晚參圓白足昏梵禮青螺雲馭沈荒甃  
仙舂沒淺莎杖藜從莫逆談笑入無何滲澹日連霧蕭  
騷風轉阿華清俄夢斷回首失煙蘿

辯才法師嘗以詩見寄繼聞示寂追次其韻

遙聞隻履去翛然詩翰纔收數月前江海盡頭人滅度  
亂山深處塔孤圓憶登夜閣天連雁同看秋崖月破煙



尚有衆生未成佛肯超欲界入諸禪

次韻公闢即席見寄

與君鄰並共煙霞乘興時時過我家更漏一新聞曉角  
門闌數級看秋花湖山對值全如買風月相期不用賒  
賴有醉毫吟更苦他年分作句圖誇

秋興擬杜牧之

鼓聲夜戰北窻風霜葉鋪階疊亂紅一段新愁驚枕上  
幾聲悲雁落雲中眼前時節看馳馬目下生涯寄斷蓬

弟妹別來勞夢寐杳無消息過江東

秋興擬白樂天

不因霜葉辭林去的當山翁未覺秋北里酒錢煩屢索  
南州詩債懶頻酬欲歌金縷羞紅粉擬插黃花避白頭  
底事登臨好時節等閒收拾許多愁

中秋口號

并引一云雲  
山閣白語

伏以四難并得既為樽俎之佳期五福具膺實號縉  
紳之盛事矧中秋之屆候宜公燕之交歡恭惟判府

大資身遇聖神家傳將相時應半千之運論歸尺五  
之天姓名久在於金甌方面暫分於玉節浮堦飛閣  
引南國之佳人豪竹哀絲奏西園之清夜

雲山簷楯接低空公晏初開氣鬱葱照海旌幡秋色裏  
激天鼓吹月明中香槽旋滴珠千顆歌扇驚圍玉一叢  
二十四橋人望處台星正在廣寒宮

次韻侍祠南郊

風馬雲車下九天郊柴初告帝心虔天如倚蓋臨壇上

星若連珠遶御前縹緲佩環參雅奏岩堯樓閣抱非烟  
侍臣舉酒欣相屬醉看參橫左右肩

口號

美酒忘憂之物流光過隙之駒不稱人心十事常居  
八九得開口笑一月亦無二三莫思身外無窮且賭  
尊前見在功名富貴何異楚人之弓城郭人民問取  
遼東之鶴付與香鈿畫鼓盡歡美景良辰欲奏長謠  
聊陳短韻

平原居士今無影  
鸚鵡空洲誰舉杯  
猶有漁陽搥撾鼓  
為君醉後作輕雷

早春

黃金軟軟滿垂楊  
尚有春寒到畫堂  
酒力漸銷歌扇怯  
入簾飛雪帶梅香

赴杭倅至汴上作

俯仰觚稜十載間  
扁舟江海得身閒  
平生孤負僧牀睡  
准擬如今處處還

無題

掃地燒香閉閤眠  
簾紋如水帳如煙  
客來夢覺知何處  
掛起西窗浪接天

蘇子瞻記江南所題詩本不全余嘗見之記其五

絕今以補子瞻之遺

東坡跋并三絕見正集  
第十卷擬纖錦詩注下

紅窗小泣低聲怨  
永夕春風斗帳空  
中酒落花飛絮亂  
曉鶯啼破夢忽忽

啼草露如郎倖薄  
亂花飛似妾情多  
歸鴻見處彈珠淚

語燕聞時斂翠蛾

琴絃斷續愁兼恨  
嶺水分流西復東  
深院小扉紅日落  
繡牕閒倚更誰同

參橫霽色天沈水  
宿鳥寒枝竹鎖煙  
衾惹舊香清夜半  
淚凝殘燭畫堂前

寒信霜風柿葉黃  
冷燈殘月照空牀  
看君記憶傳文錦  
字字愁縈惹斷腸

金山晚眺

西津江口月初弦水氣昏昏上接天清渚白沙茫不辯  
只應燈火是漁船

和程給事贈虞道判三首

刀圭雲母具晨食門對三層步斗壇夜考鶴經分七九  
曉占歲氣辯齡丹

火棗交梨近可食不須地肺及天壇龜藏坎海毛皆綠  
鳳宿離宮色自丹

紫府沈沈揜夜關竹陰清掃月中壇歲星偷得桃枝碧



董奉栽成杏子丹

處州閒題

清酒一杯甜似蜜  
美人雙鬢黑如鴉  
莫誇春色欺秋色  
未信桃花勝菊花

春詞絕句三首

蒲萄裯暖蕙薰微  
紅日窺軒睡覺時  
人倦披衣雙燕出  
青絲高罥木蘭枝

弱雲亭午弄春嬌  
高柳無風妥翠條  
懶讀夜書搔短髮

隔垣時聽賣錫簫

都城春富百花披  
披長憶人歸駐馬時  
淺色御黃應好在  
為誰還發去年枝

秋詞二首

雲惹低空不更飛  
班班紅葉欲辭枝  
秋光未老仍微暖  
恰似梅花結子時

無數青莎遶玉階  
夕陽紅淺過墻來  
西風莫道無情思  
未放芙蓉取次開

呈李公擇

青箋擘處銀鈎斷  
紅袂分時玉筯懸  
雲脚漸收風色緊  
半規斜日射歸船

落日馬上

日落荒阡白霧深  
紫騮嘶顧出疎林  
回頭已失來時路  
杳杳金盤墮翠岑

賞酴醾有感

春來百物不入眼  
唯見此花堪斷腸  
借問斷腸緣底事

羅衣曾似此花香



宋詩鈔卷三十六